

李文忠公全書 奏稿 卷三

李文忠公奏稿

卷之十二 目錄

擬駐臺莊調度摺

同治六年八月初十日

覆陳東軍濰防失事摺

同治六年八月二十二日

不罷運防片

同治六年八月二十二日

請飭東撫籌辦軍糧片

同治六年八月二十二日

江境追勦獲勝摺

同治六年九月初九日

覆陳存營馬匹片

同治六年九月初九日

賊回東境銘軍獲勝摺

同治六年九月十七日

覆陳剿辦情形片

同治六年九月十七日

移駐濟甯摺

同治六年十月初三日

現籌調度情形摺

同治六年十月十八日

銘軍安瀝大勝賴逆被創略盡摺 同治六年十月二十五日

請拏問閉糴縱兇之知縣片 同治六年十月二十五日

銘軍贛榆大勝陣斃任柱摺 同治六年十月三十日

查明鎗斃任柱情形並銘軍保案摺 同治六年十一月初五日

鼎軍海屬大勝片 同治六年十一月初五日

賊竄入東現籌調度摺 同治六年十一月十七日

各軍齊集賊勢窮蹙片 同治六年十一月十七日

劉松山剿賊北山李祥和陣亡片 同治六年十一月十七日

銘軍東境大勝摺 同治六年十一月二十一日

各軍疊勝賊股瓦散摺 同治六年十二月初四日

敗賊搶渡六塘河摺 同治六年十二月十四日

敗賊竄裏河各軍兜追摺 同治六年十二月十九日

覆奏餘匪悍目片

同治六年十二月十九日

生擒賴逆東捻肅清摺

同治六年十二月十九日

籌辦目前緊要各事片

同治六年十二月十九日

陳睿請簡用片

同治六年十二月十九日

搜捕餘匪賴逆正法摺

同治六年十二月二十七日

擒殲巨酋請獎吳毓蘭等片

同治六年十二月二十七日

李文忠公奏稿卷十二

全集一之十二

桐城吳汝綸編錄

同治六年八月初十日

擬駐臺莊調度摺

奏爲賊過莒州受創南走臣行抵沂州察度賊情擬赴東蘇運河  
交界之臺莊暫駐調度堵勦恭摺奏祈

聖鑒事竊臣前過濟南聞賊渡濰河之信改道由泰安南下業經  
專疏陳明拜摺後卽於七月二十九日由濟南督隊遄行八月初  
一日泰安途次接據徐州鎮總兵董鳳高稟稱二十二日督馬步  
七營由膠河折回二十六日將抵莒州探知賊騎闖過卽帶隊抄  
出賊前派馬隊於秫叢中四面埋伏霎時閒大股賊馬蜂擁來撲  
我軍俟其逼近開放鎗礮賊墜馬者甚多該逆步隊繼進相持許  
久經我馬隊伏兵齊出賊退向西追十餘里擒斬百餘名二十七

日黎明分路進躡甫過莒州南門外有馬賊萬餘西來當卽分投迎擊步賊又四面圍裹經總兵魏興發開放劈山礮斃賊數十名營鎗礮環擊賊死傷枕藉仍復拚命衝突營官董學友孫文科王芝生等奮力抵殺呼聲震地軍士無不以一當百吳鳳柱又帶馬隊攔腰橫擊賊馬步仍抵死抗拒我軍往來數十合逆股散而復聚有騎馬賊酋數十督陣最猛經王芝生突入砍倒三名董鳳高親督血戰兩時之久賊勢大挫各營追殺二十餘里斃賊數百生擒一百三十餘名奪馬三百餘匹鎗礮牛驢甚多查點我軍陣亡弁勇二十八名受傷四十餘名等情查董鳳高人數極單猝遇大股竟能裹創惡戰以少勝眾實屬異常出力是日陣亡儘先都司駱得標守備宋朝喜千總黃正科外委孫魁元奮勇捐軀均請旨飭部從優議卹賊被創後閒道急趨初一二日竄及日照贛榆

境內臣因東蘇運防兵力單薄先令董鳳高王永勝等各帶所部由沂州馳回臺莊灘上一帶協助守河並飭劉銘傳統率大隊緊追兜勦接據該統領等稟報董鳳高於初六日到防接守貓兒窩至灘上三十里李昭慶移守韓莊至黃林莊以下王永勝已至邳州之官河夾護運防上下游擊劉銘傳同豫軍宋慶初四日追抵郯城臣因張曜稟報戴廟至靳口兵力不敷飛飭宋慶帶隊折回運河原防地段仍酌挑精銳以備游擊汶上東平等處劉銘傳偵知捻股竄聚青口日照交界卽由郯城取道海州桃林沙河向青口兜勦日內計已接仗臣又慮該逆被擊亂竄南路空虛飛飭周盛波周盛傳由郯城邳州探蹤進剿潘鼎新由嶧縣臺莊並進邳宿一帶相機會擊臣於初八日行抵沂州會晤撫臣丁寶楨知已派王成謙王正起等軍扼紮莒沂要隘之十字路該撫自帶楊飛

奏  
熊十營駐沂堵其回竄臣卽督同劉秉璋沈宏富溫德勒克西馬德順等馬步隊進駐東蘇運河交界之臺莊就近調度初七八日探聞賊已由青口西北竄鄰蘭境內本日又折而南趨必係窺撲運防查蘇境運河自宿遷仰化集以下至桃源清淮二百餘里尙無長牆漕臣張之萬函稱目前六塘河水勢充足惟兵力恐不可恃臣所調浙軍三千二百人初三四日始過揚州或爲清淮稍助聲援臣俟抵臺莊後再行酌量分隊繞過運西前往協守如情形喫緊或再親赴下游察勘籌商妥爲布置但南北相隔五百餘里未知能否趕及焦灼曷任所有賊過莒州受創情形臣行抵沂州察度賊情擬赴臺莊暫駐調度各緣由謹繕摺由驛馳陳伏乞

皇太后

皇上聖鑒訓示謹

奏



覆陳東軍濰防失事摺 同治六年八月二十二日

奏爲欽奉

諭旨據實詳晰覆陳仰祈

聖鑒事竊臣欽奉七月二十八日

密諭飭拏戴廟及濰西兩次失事之王心安正法又奉八月初三  
日

寄諭以山東貢生張垚等聯名呈訴東省兵勇勦賊不足害民有  
餘飭臣查辦等因仰見

皇上整飭戎行嚴申軍律曷勝欽悚臣查行軍首重紀律而紀律  
嚴明要在主帥之賞罰公平功罪允當已革總兵王心安經前撫  
臣閻敬銘派令帶勇分守運河戴廟一段臣於六月下旬巡閱河  
防見該處北岸長牆重濠布置頗嚴若弁勇實力憑守何至倉猝

遽陷當據該處被害民人投遞聯名稟控十數紙均稱五月十二日黎明賊至河邊王心安所部未經拒戰鎗礮無聲代賊毀牆賊卽於朱萬美營前過河焚擄等語臣復訪問東省官紳僉稱王心安平時剋扣勇糧軍心離怨營規不整以致讓賊偷渡眾論藉藉似非無因卽籍隸濟南之前任兩廣總督毛鴻賓曾經保薦丁寶楨六月初聞致臣書亦云丁寶楨予智自雄慢師輕敵先有以王心安舉動乖常防務恐不足恃爲言者該撫喝斥之未幾而賊果由彼處飛渡矣王心安戴廟失事時使丁寶楨據實奏參卽不立置重典亦令荷戈遠戍尙足昭公道而服人心乃丁寶楨奏報猶飾陳戰狀仰荷

聖慈暫予寬宥洵屬格外

恩施臣以孤軍逐賊與各督撫及各省主兵須和衷共濟未便輕

有譏彈致生嫌釁當賊竄過運河臣於五月十八日摺內但略陳東軍廢弛貽誤及至濟甯後賊竄青萊欲與丁寶楨劉銘傳等急圖膠萊河防臣軍力單不得不求助東軍尤須開誠布公委曲聯絡惟聞東軍在膠萊牆壘未堅勇糧未放恐致誤事曾密函婉勸丁寶楨留意詳查該撫覆書云並無其事乃未幾而賊又從濰河東軍汛地竄出矣夫守河責成各有汛地必以能守汛地與否爲功罪丁寶楨咨鈔七月二十三日奏稿意以濰河不守謾告於藩司潘鼎新請撥東軍查潘鼎新僅統鼎軍步隊十二營初以膠萊北口海灘七八十里無可設防乃議由膠萊河南平地橫築牆濠三十餘里北接濰河以十營守之臣與丁寶楨皆疊奏有案潘鼎新又以鼎軍二營接守濰河西岸十餘里其下至海口尙空六七十里鼎軍何能獨認但盛夏水漲該處暫無須多兵入秋後水漸

淺涸潘鼎新函請添撥撫臣派軍往守皆係分所當爲于寶楨令  
王心安平字四營與道員王成謙常武十營陸續往紮旣無派歸  
潘鼎新統率明文潘鼎新卽不能兼管迨至失事距該藩司汛地  
四十餘里賊眾一撲卽渡常武軍相離最近尙不及救似不能苛  
責四十餘里外之鼎軍而丁寶楨事後牽混不責部將之不能堅  
守轉怪藩司之屢請添兵是非似欠分曉潘鼎新蒙  
恩僅予議處已在

聖明洞鑒之中惟各軍汛地乃行間功罪所關臣不敢不略爲剖  
晰也臣於濰河疏防後函詢劉銘傳潘鼎新實在情形據劉銘傳  
函復捨過濰河距銘傳汛地過遠當時不知其詳初一日沂州途  
次見王心安潰勇詢知該逆撲犯王心安所紮海神廟魚里鋪等  
處賊隊入營官軍尙多不知其四營隊伍傷亡過半王成謙常武

軍營牆最近並未出隊接應等語潘鼎新函稱濰河空虛先以鼎軍二營與王心安四營分守一半嗣王成謙帶常武十營到防僅以八營填繁王心安四營原防地段鼎新因其認地過短與之力爭該道堅不肯添又以海神廟以下無牆之河商令王心安移守王心安已奉丁寶楨飭調回膠王成謙強留之頗相齟齬鼎新因賊已壓境苦勸王心安暫留協守甫兩日賊警大至王成謙又不肯就近抽援二十日辰刻賊已過河鼎新接其是刻回信云並無賊蹤係王心安心虛等語其手書具在也賊撲河西王心安所部亦陣亡數百人此次失事究非戴廟之比鼎新未能兼顧咎有應得而王成謙畏葸取巧罪實難辭若專咎王心安則取巧者自謂得計請力持平允據情衡斷等語臣覆查王成謙所呈繁營地圖與潘鼎新函稱無異臣就王心安前後兩次疏防情形逐細考究

戴廟駐守年餘牆堅濠深竟任賊眾偷竄厥咎甚重至瀘西四營  
原守汎地王成謙強令讓出移置海神廟無牆之岸賊警逼近長  
牆未紮移防甫二日而卽失事其情不無可原道員王成謙統帶  
常武十營赴瀘籌防旣商留王心安協守應令仍守原段設王心  
安再有失事無可置喙乃該道利其已成營牆以八營填紮王心  
安四營地段而令王心安移守無牆之處賊來倉猝又不分隊就  
近應援實屬畏葸取巧亦應分別參辦臣過沂州晤丁寶楨面詢  
王心安如何處分丁寶楨謂此次瀘河失事王心安應無罪曾諭  
知王心安若

朝廷加罪必爲力爭已令統帶九營赴日照防勦等語臣雖奉  
旨查辦王心安現統多營近在前敵若派員拏解誠恐激之生變  
丁寶楨壹意袒護亦有掣肘之虞應否仰懇

聖恩將王心安罪名量從末減抑仍查照前奉

諭旨嚴飭山東撫

臣

另派幹員接帶該營再行拏辦之處伏候

聖裁山東候補道王成謙應否請

旨暫行革職留營效力以爲奸巧誤事者戒王成謙原呈分禁瀋  
河地段草圖一紙併呈

御覽以備查核此外各軍如有畏縮騷擾情事容

臣隨時查明懲

辦所有欽奉

諭旨據實詳晰覆陳緣由恭摺由驛具奏伏乞

皇太后

皇上聖鑒訓示謹

奏